

U Sarajevu završen 11. "Bee fest", sajam pčelarstva i pčelarske opreme

Najuspješnijim podijeljene nagrade

Na Trgu oslobođenja - Alija Izetbegović u Sarajevu jučer je svečanom ceremonijom zatvoren 11. "Bee fest", sajam pčelarstva i pčelarske opreme, na kojem je učestvovalo više od 70 pčelara iz BiH i regiona.

Samira Katica-Arnautović iz Direkcije "Bee festa" nam je kazala da je ovaj sajam izazvao veliko interesiranje kod građana i brojnih pčelara, koji su došli da bi kupili nešto od opreme.

- Sajam, kao i svaki put do sada, bio je takmičarskog karaktera. Doc. dr. Bedrija Alić proglasila je najuspješnije izlagače u brojnim kategorijama - dodala je Katica-Arnautović.

U kategoriji za bagremov med zlatnu medalju dobio je



Sajam izazvao veliko interesiranje građana i pčelara

Avdo Duranović iz Konjica, srebrna je pripala firmi "Bimed" iz Bijeljine, a bronza Asmiru Durakoviću iz Gradačca.

U kategoriji za planinsku livadu zlatne medalje

osvojili su "Pčelarstvo Balić" iz Travnika, "Pčelarstvo Mulabdić" iz Žepča te Mithat Hodžić Mido iz Sarajeva. Srebrnu medalju dobio je Emir Čolić iz Kaknja.

U kategoriji za šumski

med zlatna medalja pripala je Avdi Duranoviću iz Konjica, "Pčelarstvu Pantić" iz Olova, Adisu Bašiću iz Vareša te "Pčelarstvu Mulabdić" iz Žepča. Srebrnu medalju osvojili su Nusret Sirčo iz Olova i Mithat Hodžić Mido iz Sarajeva.

U kategoriji za kestenov med zlatne medalje osvojili su Cazinjani Sead Mešić i Remzija Hodžić, dok su zlatne medalje u posebnoj kategoriji zbog izvrsnog kvaliteta proizvoda osvojili: "Pčelarstvo Mahmutović" iz Cazina, "Herzeg med" iz Trebinja, "Pčelarstvo Asel Nahl" iz Gradačca.

Nagradu za poseban doprinos pčelarstvu dobio je jedan od najstarijih pčelara Alija Dolovac.

V.G.

D. AVH 2, 15.09.2013. - 578. 10